

雪竇四集

頌古集拈古

卷之四

雲竇頌古集一卷
拈古一卷瀑泉集
一卷祖英集二卷

四部叢刊續編集部

上海涵芬樓借常
熟瞿氏鐵琴銅劍
樓藏宋刊本景印
原書板匡高十八
公分寬十三公分

雪竇顯和尚明覺大師頌古集序



昔雪峯以吾佛之道唱於閩雲門繼而和於靜
而降賡厥聲者夥矣然皆未甚燁赫於世也天禧中
雪竇始以是道宏其音高其調藹然鼓之于吳繇是
吳之學佛輩翕然魯變格于正始迨今洋洋焉不可
勝計大哉真諦之爲言也視焉而無際徇焉而無朕
非夫至神洞照者雖復歷于世數勤以求之勞形骸
竭思慮曾莫得其髣髴焉必藉先覺爲之啓發不一
瞬間而妙圓已極今雪竇應昌期以挺其粹嗣智門
以恢其宗軟語微言固已盛行於世矣今又採古聖
機緣之妙者凡百則發言以爲頌由頌以宣義由義

以垂裕俾夫昧者明窒者通泥而不能致遠者咸有
所救焉且夫靜以虛其應動以利于物此先聖人之
能事也揭是事而行之于澆季循循而不怠愚未見
有如雪竇者矣門弟子遠塵旣繕錄之小子曇玉復
繼而序之歲攝提格月仲牡哉生魄

參學小師

遠塵集

舉梁武帝問達磨大師如何是聖諦第一義達磨
云廓然無聖帝云對朕者誰達磨云不識帝不契
遂渡江至魏武帝舉問志公志公云陛下還識此
人否帝曰不識志公云此是觀音大士傳佛心印
帝悔遂遣使取志公云莫道陛下發使去取闔國

人去他亦不迴頌曰

聖諦廓然何當辨的對朕者誰還云不識因茲暗渡
江豈免生深棘闔國人追不再來千古萬古空相憶
休相憶清風匝地有何極師顧視左右云這裏還有
祖師麼自云有喚來與老僧洗脚

舉趙州示衆云至道無難唯嫌揀擇纔有語言是
揀擇是明白老僧不在明白裏是汝還護惜也無
時有僧問云旣不在明白裏護惜箇什麼州云我
亦不知僧云和尚旣不知爲什麼道不在明白裏
州云問事即得禮拜了退頌曰

至道無難言端語端一有多種二無兩般天際日上

月下檻前山深水寒髑髏識盡喜何立枯木龍吟消
未乾難難揀擇明白君自看

舉馬大師不安院主問和尚近日尊位如何大師
云日面佛月面佛頌曰

日面佛月面佛五帝三皇是何物二十年來曾苦辛
爲君幾下蒼龍窟屈堪述明眼衲僧莫輕忽

舉德山到潞山挾複子於法堂上從西過東邊從
東過西邊顧視云無無便出師著語云勘破了也
德山至門首却云也不得草草便具威儀載入相
見潞山坐次德山提起坐具云和尚潞山擬取拂
子德山便喝拂袖而出師著語云勘破了也德山

背却法堂著草鞋便行瀉山至晚問首座適來新
到在什麼處首座云當時背却法堂著草鞋出去
也瀉山云此子已後向孤峯頂上盤結草庵呵佛
罵祖去在師著語云雪上加霜頌曰

一勘破二勘破雪上加霜曾險墮飛騎將軍入虜庭
載得完全能幾箇急走過不放過孤峯頂上草裏坐

吐

舉雪峯示衆云盡大地撮來如粟米粒大拋向面
前漆桶不會打鼓普請看頌曰

牛頭沒馬頭迴曹溪鏡裏絕塵埃打鼓看來君不見
百花春至爲誰開

舉雲門大師垂語云十五日已前不問汝十五日
已後道將一句來自代云日日是好日頌曰

去却一拈得七上下四維無等匹徐行踏斷流水聲
縱觀寫出飛禽跡草茸茸煙冪冪空生巖畔花狼藉
彈指堪悲舜若多莫動著動著三十棒

舉僧問法眼慧超咨和尚如何是佛法眼云汝是
慧超頌曰

江國春風吹不起鷓鴣啼在深花裏三級浪高魚化
龍癡人猶竅夜塘水

舉翠巖夏末示衆云一夏已來爲兄弟說話看翠
巖眉毛在麼保福云作賊人心虛長慶云生也雲

門云關頌曰

翠巖示徒千古無對關字相酬失錢遭罪潦倒保福
抑揚難得嘮嘮翠巖分明是賊白珪無玷誰辨真假
長慶相諳眉毛生也

舉僧問趙州如何是趙州州云東門南門西門北
門頌曰

句裏呈機劈面來爍迦羅眼絕纖埃東南西北門相
對無限輪鎚擊不開

舉睦州問僧近離什麼處僧便喝州云老僧被汝
一喝僧又喝州云三喝四喝後作麼生僧無語州
便打云這掠虛漢頌曰

兩喝與三喝作者知機變若謂騎虎頭二俱成瞎漢
誰瞎漢拈來天下與人看

舉黃蘗和尚示衆云汝等諸人盡是啗酒糟漢與
麼行脚何處有今日還知大唐國裏無禪師麼時
有僧出云只如諸方匡徒領衆又作麼生蘗云不
道無禪只是無師頌曰

凜凜孤風不自誇端居寰海定龍蛇大中天子曾輕
觸三度親遭弄爪牙

舉僧問洞山如何是佛山云麻三斤頌曰

金烏急玉兔速善應何曾有輕觸展事投機見洞山
跛鼈盲龜入空谷花簇簇錦簇簇南地竹弓北地木

因思長慶陸大夫解道合笑不合哭

嘆

舉僧問巴陵如何是提婆宗巴陵云銀碗裏盛雪

頌曰

老新開端的別解道銀碗裏盛雪九十六箇應自知
不知却問天邊月提婆宗提婆宗赤幡之下起清風
舉僧問雲門如何是一代時教門云對一說頌曰
對一說太孤絕無孔鐵鎚重下楔閭浮樹下笑呵呵
昨夜驪龍拗角折別別韶陽老人得一橛

舉僧問雲門不是目前機亦非目前事時如何雲

門云倒一說頌曰

倒一說分一節同死同生爲君決八萬四千非鳳毛

三十三人入虎穴別別擾擾忿忿水裏月

舉僧問鏡清學人啐請師啄清云還得活也無僧云若不活遭人恠笑清云也是草裏漢頌曰

古佛有家風對揚遭貶剥子母不相知是誰同啐啄啄覺猶在殼重遭撲天下衲僧徒名邈

舉僧問香林如何是祖師西來意林云坐久成勞

頌曰

一箇兩箇千萬箇脫却籠頭卸角馱左轉右轉隨後來紫胡要打劉鐵磨

舉肅宗帝問忠國師百年後所須何物國師云與老僧作箇無縫塔帝曰請師塔樣國師良久云會

麼帝云不會國師云吾有付法弟子耽源却諳此

事請詔問之國師遷化後肅宗帝詔耽源問此意

如何源云相之南潭之北師云獨掌不浪鳴中有黃金充

一國山形挂杖子無影樹下合同海晏船河清琉璃殿上無

知識拈了頌曰

無縫塔見還難澄潭不許蒼龍蟠層落落影團團千

古萬古與人看

舉俱脰和尚凡有所問只豎一指頌曰

對揚深愛老俱脰宇宙空來更有誰曾向滄溟下浮

木夜濤相共接盲龜

舉龍牙問翠微如何是祖師西來意微云與我過

禪板來牙取禪板與翠微微接得便打牙云打即
任打要且無祖師意又問林際如何是祖師西來
意際云與我過蒲團來牙取蒲團與臨際際接得
便打牙云打即任打要且無祖師意頌曰

龍牙山裏龍無眼死水何曾振古風禪板蒲團不能
用只應分付與盧公

師拈云這老漢也未得勦絕復成頌曰

盧公付了亦何憑坐倚休將繼祖燈堪對暮雲歸未
合遠山無限碧層層

舉僧問智門蓮花未出水時如何智門云蓮花僧
云出水後如何智門云荷葉頌曰

蓮花荷葉報君知出水何如未出時江北江南問王
老一狐疑了一狐疑

舉雪峯示衆云南山有一條鼈鼻蛇汝等諸人切
須好看長慶出云今日堂中大人喪身失命僧
舉似玄沙沙云須是稜兄始得然雖如此我即不
與麼僧云和尚作麼生沙云用南山作麼雲門以
拄杖攬向雪峯面前作怕勢頌曰

象骨巖高人不到到者須是弄蛇手稜師備師不柰
何喪身失命有多少韶陽知重撥草南北東西無處
討忽然突出拄杖頭拋對雪峯大張口大張口兮同
閃電剔起眉毛還不見如今藏在乳峯前來者一一